

Kodeks ponašanja poslovnog partnera

26.06.2020, Sarajevo

Securitas BH d.o.o.

Adresa: Bačići 3, 71 000 Sarajevo, Bosna i Hercegovina; **Tel:** + 387 33 789 000; **Fax:** + 387 33 789 001; **e-mail:** info@securitas.ba, www.securitas.ba

MBS: 65-01-0503-11; **ID:** 4201060260001; **PDV:** 201060260001

Raiffeisen banka 1610000053830064; *UniCredit banka* 3389002200030917; *Intesa Sanpaolo banka* 1549222001960830



1. ČEMU SLUŽI KODEKS PONAŠANJA POSLOVNOG PARTNERA?

U Securitasu stavljammo snažan naglasak na etiku, integritet i usklađenost. Nastojimo svoje poslovanje uvijek voditi na održiv način i u skladu s našim temeljnim vrijednostima: integritetom, obazrivošću i korisnošću. Zalažemo se za održavanje najviših standarda integriteta i poštivanja važećih zakona, pravila, propisa i bilo kojeg kodeksa ponašanja u jurisdikciji u kojoj poslujemo.

Grupa Securitas potpisnica je Svjetskog sporazuma Ujedinjenih naroda i podržavamo i poštujemo načela navedena u Univerzalnoj deklaraciji o ljudskim pravima Ujedinjenih naroda, Deklaraciji o temeljnim načelima i pravima na radu Međunarodne organizacije rada i Smjericama OECD-a za multinacionalna poduzeća. Svjesni smo svoje odgovornosti za promoviranje i poštivanje tih načela tokom obavljanja našeg globalnog poslovanja.

Ovaj kodeks ponašanja poslovnog partnera („Kodeks“) izdvaja minimalne standarde čije poštivanje Securitas zahtijeva od svojih poslovnih partnera kad posluju s nama. Standardi navedeni u ovom kodeksu zasnivaju se na našim međunarodno priznatim sporazumima i ugovorima.

2. KODEKS PONAŠANJA POSLOVNOG PARTNERA PRIMJENJUJE SE NA SVE DOBAVLJAČE, PODIZVOĐAČE I POSLOVNE PARTNERE KOMPANIJE SECURITAS

Ovaj se Kodeks odnosi na sve dobavljače, podizvođače i poslovne partnere Securitasa (koji se zajedno nazivaju „Dobavljači“). Za potrebe ovog Kodeksa poslovni partneri uključuju uslužne partnere, konsultante, posrednike i slične stranke koje zastupaju i / ili dostavljaju robu ili pružaju usluge Securitasu.

Dobavljači su dužni poštovati i primjenjivati sve primjenjive zakone, propise i industrijske standarde, kao i standarde utvrđene u ovom kodeksu. Sve zakonski potrebne dozvole, licence, odobrenja i registracije, moraju biti ispoštovane.

Odgovornost je svakog Dobavljača da ispuni zahtjeve ovog kodeksa i da te zahtjeve, bez iznimke, prenese na vlastite poslovne partnere, zaposlenike, službenike, direktore ili ovlaštene predstavnike u svim poslovima i transakcijama koje uključuju Securitas. Svaki Dobavljač snosi troškove povezane s ispunjavanjem ovog kodeksa.

Pri odabiru, zadržavanju i procjeni Dobavljača razmatrat će se uporno i dosljedno poštivanje odredbi Kodeksa ponašanja poslovnog partnera.

Ni u kojem slučaju se Dobavljači ne moraju pridržavati bilo kojeg naloga, zahtjeva ili upute koji mogu značiti kršenje ili povredu odredbi ovog kodeksa poslovnog partnera.

Ako dobavljač ne postupi u skladu s Kodeksom, a neusklađenost nije beznačajna, Securitas zadržava pravo raskinuti ugovor i poslovni odnos s Dobavljačem, ne dovodeći u pitanje bilo koja druga prava i pravna sredstva koja su na raspolaganju. U slučaju da Dobavljač utvrdi neusklađenost, Dobavljač mora o tome bez nepotrebnog odgađanja obavijestiti Securitas.

3. JAVITE NAM

Dobavljači, kao i zaposlenici Securitasa, rukovodioci i predstavnici moraju prijaviti slučajeve nepoštivanja ovog kodeksa. Dobavljači moraju imati odgovarajuće mehanizme podnošenja pritužbi za takvo izvještavanje i moraju omogućiti da se mogu izraziti sumnje u dobroj vjeri, bez straha od odmazde.

Kršenja ovog kodeksa mogu se direktno prijaviti Securitasu putem Securitasove linije integriteta na www.securitasintegrity.com ili putem e-maila na integritet@securitas.com, kao i na lokalnu email adresu: info@securitas.ba



4. LJUDSKA PRAVA I RADNI UVJETI

Securitas podržava i poštuje zaštitu međunarodno proglašanih ljudskih prava i očekuje isto od svojih dobavljača. Dobavljači se moraju pobrinuti da ne učestvuju u zloupotrebi ljudskih prava.

Dobavljačima je strogo zabranjeno zapošljavanje osoba koje su ispod minimalne dobi za zapošljavanje, to jest minimalne dobi u skladu s lokalnim zakonima ili dobi završetka obaveznog školovanja ili petnaest godina, ovisno šta je veće. Ako su mladi radnici u dobi od 15 do 18 godina dopušteni lokalnim zakonom, oni se ne mogu zaposliti za bilo koji nesiguran, opasan ili težak posao.

Dobavljačima je strogo zabranjeno učešće ili toleriranje modernog ropstva i iskorištavanja, uključujući prisilnu, iznuđenu, obavezujuću ili obaveznu radnu snagu i trgovinu ljudima. To znači ne baviti se niti tolerirati ograničenja kretanja, oduzimanje ličnih dokumenata, prekomjerne naknade za regrutaciju, dužničko ropstvo, uskraćivanje plaća, nasilje ili bilo kakvu drugu vrstu iskorištavanja ili zlostavljanja.

Očekuje se da dobavljači imaju pismene i jasne uvjete za svoje zaposlenike. Dobavljači se moraju pridržavati važećih zakona koji se odnose na radno vrijeme i pravila odmora. Dobavljači moraju pravovremeno platiti plaće i naknade koje udovoljavaju ili premašuju zakonske minimalne standarde, kolektivne ugovore ili odgovarajuće industrijske standarde.

Securitas poštuje prava svih zaposlenika da odaberu hoće li ih predstavljati sindikat radi kolektivnog pregovaranja i osnivati sindikate ili radnička udruženja po svom izboru u skladu s lokalnim zakonima i načelima, uključujući poštovanje slobode mirnog okupljanja i udruživanja i nijedan zaposlenik ne bi smio riskirati da ga uznemiravaju ili da mu se svete zbog ostvarivanja ovih prava. Securitas očekuje da će naši dobavljači učiniti isto.

Dobavljači moraju uspostaviti sigurno i zdravo radno okruženje. Očekuje se da će dobavljači održavati odgovarajuće sisteme namijenjene sprečavanju povreda i bolesti na radnom mjestu, a njihovi zaposlenici trebaju dobiti odgovarajuću obuku o zdravlju i sigurnosti, upute i opremu.

Securitas je poslodavac koji pruža jednake mogućnosti i svi zaposlenici se trebaju odnositi prema drugima i tretirati ih pošteno i jednako, bez ikakve vrste diskriminacije ili oblika uznemiravanja. Securitas očekuje da naši dobavljači promoviraju raznolikost i jednake mogućnosti i da podržavaju uklanjanje diskriminacije u zapošljavanju i radu.

5. POSLOVNA ETIKA

Securitas insistira na iskrenosti, integritetu i pravednosti te smo čvrsto opredijeljeni za poštovanje i promoviranje najviših etičkih poslovnih standarda u svim aspektima našeg poslovanja. Očekuje se da će svi dobavljači poslovati pošteno i s integritetom i neće učestvovati u nepoštenim poslovima i praksama, uključujući antikonkurentno ponašanje.

Securitas ima nultu toleranciju prema svim oblicima mita i korupcije. Dobavljači ne smiju tražiti, prihvatati ili zadržavati poslovne prednosti utemeljene na nezakonskom, nepravilnom ili neetičkom ponašanju. Od dobavljača se traži da ne prihvataju bilo kakve koruptivne postupke ili plaćanja, a očekuje se da održavaju odgovarajući sistem za sprečavanje korupcije, uključujući pisanu antikorupcijsku politiku, koja odražava barem načela ovog Kodeksa.

Dobavljači ne smiju davati poklone, putovanja, obroke ili reprezentaciju zaposleniku Securitasa u bilo kojoj situaciji u kojoj bi to moglo utjecati ili se čini da utječe na bilo koju odluku zaposlenika u vezi s Dobavljačem. U mjeri u kojoj postoje okolnosti, dobavljači mogu dati zaposlenicima Securitasa skromne poklone, obroke ili reprezentacije ako to ne krši nijedan zakon i nisu gotovina ili novčani ekvivalenti, česti ili skupi, i ako su u skladu s uobičajenom poslovnom praksom. Dobavljači će tačno bilježiti sve takve poklone, obroke ili reprezentaciju u svoje knjige i evidencije.

Dobavljači ne učestvuju u pranju novca i finansiranju terorizma, niti to pomažu ili podržavaju.



Dobavljači će uspostaviti sisteme za sprečavanje kršenja prava tržišnog natjecanja i ne smiju učestvovati u bilo kakvom krivotvorenju ponuda, utvrđivanju cijena, kartelnoj aktivnosti ili trgovanju internim informacijama.

Dobavljači su dužni poštivati važeće propise trgovačkih sankcija, uključujući one koje su objavili Ujedinjeni narodi, Sjedinjene Američke Države i Evropska unija.

Dobavljači moraju štiti privatnost zaposlenika, predstavnika kupaca, predstavnika poslovnih partnera i drugih pojedinaca, a lične podatke obrađivati zakonito, pošteno i transparentno.

Dobavljači su dužni spriječiti situacije u kojima postoji stvarni ili potencijalni sukob interesa između Securitasa i Dobavljača ili usko povezane strane i otkriti takve situacije Securitasu.

Dobavljači trebaju zaštititi povjerljive podatke i prava intelektualnog vlasništva Securitasa te moraju čuvati povjerljivim sve informacije kojima imaju pristup u obavljanju svog posla, usluga ili isporuke dobara u Securitas, čak i ako takve informacije nisu klasificirane ili se ne odnose nužno na Securitas i djelovati kako bi spriječili njihovu zloupotrebu, krađu, prijevare ili nepropisno otkrivanje. Ako su Dobavljači svjesni materijalnih, nejavnih podataka koji se odnose na Securitas ili njegovo poslovanje, ne mogu kupovati, prodavati ili na drugi način trgovati vrijednosnim papirima Securitasa ili bilo koje druge kompanije koja trguje sa Securitasom ili poduzeti bilo koju drugu radnju kako bi iskoristili te informacije.

Tačne, pouzdane informacije i podaci su ključni za ispunjavanje finansijskih, pravnih i upravnih obaveza Securitasa i potrebni su za pravedno odražavanje transakcija Securitasa. Dobavljač mora voditi tačnu evidenciju o svim stvarima vezanim za poslovanje dobavljača s kompanijom Securitas. To uključuje pravilno, brzo i cjelovito evidentiranje svih troškova i plaćanja te dostupnost pratećih dokaza i dokumentacije.

6. OKOLIŠNA ODRŽIVOST

Securitas nastoji voditi poslovanje na održiv način uz poštivanje okoliša i trebali bismo raditi i na način koji doprinosi održivijoj budućnosti.

Dobavljači moraju osigurati da poštuju sve primjenjive zakone i propise o zaštiti okoliša i očekuje se da će Dobavljači poduzeti mjere predostrožnosti prema izazovima u području okoliša poduzimajući inicijative za promoviranje veće odgovornosti prema okolišu i razvojem i širenjem ekološki prihvatljivih tehnologija, najbolje što mogu.

7. USKLAĐENOST SA ZAKONIMA

Dobavljači su odgovorni za osiguravanje da njihovi direktori, službenici, zaposlenici i podizvođači, predstavnici ili agenti razumiju i poštuju primjenjive propise i konvencije, kao i regionalno i nacionalno zakonodavstvo u mjeri u kojoj su primjenjivi na odgovarajući sporazum ili komercijalni odnos.

8. PROVOĐENJE I PRAĆENJE

Ovaj kodeks dio je Securitasovog dogovora s pojedinačnim Dobavljačem. Pojedinačni dobavljač potpisuje priloženo pismo o obavezi radi potvrđivanja usklađenosti s ovim Kodeksom, Dodatak 1.

Securitas zadržava pravo da povremeno traži od Dobavljača informacije, uključujući inspekcije i / ili revizije, uz ili bez podrške treće strane - objekata, operacija i odgovarajućih knjiga i evidencija kako bi potvrdio Dobavljačevo poštivanje Kodeksa.



9. PRIMJENJIVOST

Ovaj Kodeks primjenjuje se na na sve dobavljače roba ili usluga Securitasa BH i njegovih supsidijarnih društava, kao i na podizvođače i poslovne partnere.

Revidiranje i nadzor

Usklađenost Securitas-a BH i supsidijarnih društava sa ovim pKodeksom će biti predmet nadzora u dijelu procesa upravljanja rizikom preduzeća koji uključuje interne i eksterne revizije, te rutinsko praćenje. Ova politika će biti redovno revidirana, u skladu sa potrebama.

Kodeks stupa na snagu danom potpisivanja od strane direktora društva.

Direktor

Edin Hukić

KODEKS PONAŠANJA POSLOVNOG PARTNERA KOMPANIJE SECURITAS – PISMO OBAVEZIVANJA

Dolje potpisani je Dobavljač Securitasa (kako je definirano Kodeksom ponašanja poslovnog partnera Securitasa).

1. Potpisivanjem ovog dokumenta prihvatamo i saglasni smo da:
 - a. Kodeks opisuje minimalna očekivanja od Securitasovih dobavljača (uključujući našu organizaciju) u odnosu na:
 - i. poštivanje zakona i integritet,
 - ii. ljudska prava i radne uvjete,
 - iii. poslovnu etiku i
 - iv. okolišnu održivost;
 - b. Securitas može povremeno izmijeniti ili ažurirati Kodeks; i
 - c. Kodeks uključuje stalno očekivanje da će dobavljači (uključujući našu organizaciju) izraziti svoju zabrinutost.

2. U ime moje organizacije:
 - a. Potvrđujem da su Securitasova očekivanja navedena u Kodeksu shvaćena;
 - b. Obavezujem se da ćemo poštovati načela Kodeksa, uz povremene izmjene, u našim politikama, našim postupcima i svakodnevnoj praksi; i
 - c. Prihvatam i slažem se da Kodeks, uz povremene izmjene, čini dio naših ugovornih uvjeta sa Securitasom (ali neće umanjiti, izmijeniti ili poništiti bilo koje druge obaveze koje mogu biti nametnute bilo kojim primjenjivim ugovorom, zakonom, propisom ili na neki drugi način).

Datum:

Organizacija:

Potpis:

.....

Ime:

Funkcija: